

ԿԱՐԵՎՈՐ ԳԵՊՔԵՐԻ ԺԱՄԱՆԱԿԱԳՐՈՒԹՅՈՒՆ

- 1284—1291 թթ.—Կարա-կոյունլու ցեղը գաղթում է Հայաստան:
- 1313—1386 թթ.—Ապրել ու գործել է Հովհան Որոտնեցին, Տաթևի համալսարանի հիմնադիրը:
- 1338 թ.—Չոբանյան դինաստիան իր տիրապետությունն է հաստատում Իրանի, Ատրպատականի և Հայաստանի վրա:
- 1344—1358 թթ.—Իշխում է Մելիք Աշրաֆը:
- 1346—1409 թթ.—Ապրել ու գործել է Գրիգոր Տաթևացին:
- 1350—1425 թթ.—Ապրել ու գործել է Գրիգոր Խլաթեցին (Մերենց):
- 1357 թ.—Ոսկե Հորդայի խան Ջանիբեկը առջավում է Ատրպատական:
—Սպանվում է Մելիք Աշրաֆը և վերջ է դրվում Չոբանյանների իշխանությունը:
- 1358—1374 թթ.—Իշխում է սուլթան Ուլեյսը, որը հիմնադրում է Զեյաիրյանների դինաստիան:
- 1367 թ.—Լվովը դառնում է ամբողջ հարավ-արևելյան Եվրոպայի հայրիկ եկեղեցական կենտրոն:
- 1373—1410/12 թթ.—Գործել է Տաթևի համալսարանը:
- 1374—1382 թթ.—Իշխում է սուլթան Ուլեյսի որդի սուլթան Հուսեյնը:
- 1377—1378 թթ.—Սուլթան Հուսեյնը պատժիչ արշավանք է կազմակերպում:
Կարա-կոյունլուների դեմ:
- 1380—1450 թթ.—Ապրել ու գործել է Առաքել Բաղիշեցին:
- 1385 թ.—Լանկ-Թամուրը ներխուժում է Ատրպատական և գրավում Սուլթանիե քաղաքը:
- 1386 թ. գարուն—Լանկ-Թամուրի զորքը գրավում է Թավրիզը, ապա մտնում Սյունիք, գրավում Նախիջևանը, պաշարում Երնջակի բերդը, ասպատակում Մեծ ու Փոքր Սյունիքները և Այրարատը:
- 1387 թ. սեպտեմբեր—Լանկ-Թամուրի զորքը պաշարում է և գրավում Վանի բերդը:
- 1387 թ. աշուն—Երկու տարի Հայաստանը ասպատակելուց հետո Լանկ-Թամուրը վերադառնում է Սամարղանդ:
- 1390-ական—1446 թթ.—գործել է Մեծոփա վանքի բարձրագույն դպրոցը:
- 1394 թ.—Հյուսիսային Միջագետքի վրայով Լանկ-Թամուրը երկրորդ անգամ արշավում է Հայաստան:
- 1396 թ. գարուն—Լանկ-Թամուրը Ալանաց դռնով վերադառնում է Անդրկովկաս:
—Լանկ-Թամուրը իր Միհրանշահ որդուն կուսակալ է նշանակում Իրանի, Իրաքի, Հայաստանի և Անդրկովկասյան նվաճված երկրամասերի վրա:

- 1399 թ. սեպտեմբեր—Լանկ-Թամուրն սկսում է իր երրորդ արշավանքը դեպի Հայաստան և մինչև 1403 թ. նվաճում ողջ Անդրկովկասը, Փոքր Ասիան, Միջագետքը և Սիրիան:
- 1402 թ. հուլիս—Լանկ-Թամուրը պարտության է մատնում սուլթան Բայազետին և գերի վերցնում նրան:
- 1403 թ.—Լանկ-Թամուրը նորից արշավում է Վրաստան և Աբխազիա:
- 1405 թ. վետրվար—70-ամյա հասակում մեռնում է Լանկ-Թամուրը:
- 1406 թ. աշուն—Կարա-Յուսուֆը պարտության է մատնում Արուբաքրին և գրավում է Թավրիզը:
- 1410—1463 թթ.—Կարա-կոյունլու թուրքմենների տիրապետությունը Արապատականի, Իրաքի և Հայաստանի վրա:
- 1411 թ.—Կարա-Յուսուֆը պարտության է մատնում իր դեմ ապստամբած Շիրվանշահ Իբրահիմի և վրաց Կոստանդին թագավորի միացյալ զորքերին:
- 1418 թ.—Կարա-Յուսուֆը արշավում է Հյուսիսային Միջագետք:
- 1419 թ.—Կարա-կոյունլուների դեմ պատերազմ են սկսում Թամուրյան Շահ-ռուխը և Աղ-կոյունլու Օսմանը:
- 1421 թ. օգոստոսի 21—Բագրևանդի մոտ տեղի ունեցած ճակատամարտում Կարա-կոյունլուները պարտություն են կրում:
- 1422—1427 թթ.—Կարա-Յուսուֆի որդի Իսքանդարը համառ պայքար է մղում քրդական կիսանկախ ամիրությունների դեմ Հայաստանի հարավում՝ Բաղեշում, Ռշտունիքում, Խիզանում:
- 1427 թ.—Վերջ է տրվում Մակվի հայկական իշխանությանը:
- 1428—1429 թթ.—Թամուրյանները պատերազմում են Կարա-կոյունլուների դեմ և ասպատակում են Հայաստանի տարբեր շրջանները:
- 1431 թ.—Հայաստանում և Ադրբեջանում մոլեգնում է սովը:
- 1435 թ.—Շահռուխը երրորդ անգամ պատերազմ է սկսում Իսքանդարի դեմ և ավերածություններ սփռում Հայաստանում:
- 1435 թ.—Սյունյաց իշխան Բեշքեն Օրբելյանը 6000 սյունեցի ընտանիքներով անցնում է Լոռի:
- 1435 թ.—Իսքանդարը սպանվում է իր Շահ-Կուբադ որդու կողմից:
- 1437—1467 թթ.—Ջհանշահի տիրակալությունը:
- 1441 թ.—Կաթողիկոսական աթոռը վերահաստատվում է էջմիածնում:
- 1441 թ.—Հայկական եպիսկոպոսական թեմ է հիմնադրվում Մուղղվայի մայրաքաղաք Սուլավայում:
- 1453 թ. մայիսի 29—Թուրքերը գրավում են Կոստանդնուպոլիսը:
- 1454 թ.—Աղ-կոյունլու Ուզուն-Հասանը արշավում է Հայաստանի հյուսիսային շրջանների վրա:
- 1457—1458 թթ.—Տեղի է ունենում Ջհանշահի արևելյան երկրորդ խոշոր արշավանքը:
- 1461 թ.—Ջհանշահը արշավում է Շիրազ:
- 1467 թ. մայիս—Ջհանշահը վճռական ճակատամարտի է ելնում Աղ-կոյունլուների դեմ և զոհվում է 70-ամյա հասակում:
- 1468—1502 թթ.—Հայաստանը ենթարկվում է Աղ-կոյունլու թուրքմենների տիրապետությանը:

- 1470—1473 թթ.—Աղ-կոյունլուները ճնշում են Հայաստանի հարավում հաստատված քրդական ցեղերին։
- 1472 թ.—Ուզուն-Հասանը արշավանք է կազմակերպում ընդդեմ Թուրքիայի։
- 1472 թ. օգոստոս—Տեղի է ունենում Կոնիայի ճակատամարտը, որտեղ Աղ-կոյունլուները պարտություն են կրում։
- 1473 թ. օգոստոսի 12—Տեղի է ունենում Դերջանի ճակատամարտը։
- 1478 թ.—Սպանվում է Ուզուն-Հասանը։
- 1478—1490 թթ.—Աղ-կոյունլուների գահին տիրում է Ուզուն-Հասանի որդի Ցաղուբը։
- 1489-ից քիչ առաջ վերջ է տրվում Համշենի հայկական իշխանությանը. Դավիթ Բ իշխանը վտարվում է իր տիրույթներից։
- 1488 թ.—Ցաղուբը կրոնական հալածանք է ծավալում հայերի դեմ։
- 1500—1704 թթ.—Գործել է Բաղեշի Ամրդուլու վանքի բարձրագույն բնույթի դպրոցը։
- 1502 թ.—Վերջ է դրվում Աղ-կոյունլուների տիրապետությանը և Սեֆյան դինաստիայի տիրապետությունն է հաստատվում։
- 1512 թ.—Օսմանյան սուլթան Սելիմ Ահմեդը մեծ զորաբանակով հարձակման է անցնում Իրանի դեմ. սկիզբ է դրվում Թուրք-իրանական պատերազմներին։
- 1512 թ.—Լույս է տեսնում հայերեն առաջին տպագիր գիրքը։
- 1514 թ.—Զաղդրանի ճակատամարտում պարսիկները պարտություն են կրում, օսմանյան թուրքերը գրավում են Թավրիզը։
- 1519 թ.—Լեհական սեյմում Սիգիզմունդ I-ի կողմից հաստատվում է լեհահայոց «Դատաստանագիրքը»։
- 1530 թ.—Շահ Թահմազ I-ը վերագրավում է Բաղդադը։
- 1545—1546 թթ.—Ալիազ միրզան նվաճում է Շիրվանը, ապա միանում է ապստամբներին և ելնում է ընդդեմ եղբորը՝ Շահ Թահմազ I-ի։
- 1546—1547 թթ.—Թահմազ I-ը ճնշում է Ալիազ Միրզայի ապստամբությունը և շարժվում է Վրաստան։
- 1547 թ.—Վրաց Լուարսաբ թագավորի ապստամբությունը Իրանի դեմ։
- 1551—1555 թթ.—Շահ Թահմազ I-ի զորքերը հակահարձակման են անցնում Թուրքիայի դեմ և ավերածություններ սփռում Բարձր Հայքում, Տուրուբերանում, Վասպուրականում։ Տեղի են ունենում նոր ավերիչ պատերազմներ Հայաստանում։
- 1549 թ.—Հայ ժողովրդի ազատագրության խնդրով Ստեփանոս Սալմաստեցի կաթողիկոսը լինում է Հռոմում։
- 1555 թ.—Ամասիայում հաշտության պայմանագիր է կնքվում Թուրքիայի և Իրանի միջև։
- 1562 թ.—Հայաստանի ազատագրության համար գաղտնի ժողով է հրավիրվում Միքայել Սեբաստացի կաթողիկոսի կողմից։
- 1562 թ.—Արգար Թոխաթցու գլխավորությամբ պատվիրակություն է մեկնում Վենետիկ։
- 1567 թ.—Արգար դպիրը առաջին տպարանն է հիմնում Կոստանդնուպոլսում։
- 1575 թ.—Թադեոս կաթողիկոսի ուղեւորությունը Լվով, Վենետիկ, Հռոմ՝ Հայաստանի ազատագրության խնդրով։

- 1580 թ.—Թուրքական զորքերը ներխուժում են Ղարաբաղ, ապա գրավում Երևանն ու Գեղարքունիքը:
- 1585 թ.—Լեհաստանի կանցլեր Յան Զամոյսկին արտոնագիր է տալիս Զամուտիե քաղաքի հայերին:
- 1587—1629 թթ.—Շահ Աբբաս I-ի իշխանությունը:
- 1590 թ.—Շահ Աբբաս I-ը հաշտության պայմանագիր է կնքում Թուրքիայի հետ:
- 1595—1628 թթ.—Ջալալիների ապստամբությունը:
- 1603 թ.—Շահ Աբբաս I-ը վերսկսում է պատերազմը, գրավում է Թավրիզը, շարժվում է Հայաստան և հյուրընկալվում Զուղայում:
- 1604 թ.—Շահ Աբբաս I-ը Արևելյան Հայաստանի բնակչությանը պաղթեցնում է Իրան (հատկապես մայրաքաղաք Սպահանի շրջակայքը):
- 1604—1605 թթ.—Հիմնադրվում է Նոր Զուղան:
- 1605—1625 թթ.—Ամիր Գունա խանի իշխանությունը Արարատյան երկրում:
- 1606—1620 թթ.—Մեխլուի գլխավորությամբ գյուղացիական շարժումը:
- 1612 թ.—Հաշտության պայմանագիր է կնքվում Թուրքիայի և Իրանի միջև:
- 1615 թ.—Հիմնադրվում է Սյունյաց Մեծ Անապատի կամ Հարանց Անապատի բարձրագույն դպրոցը:
- 1616 թ.—Թուրքերը Նոր հարձակում են սկսում Երևանի վրա:
- 1618 թ.—Ատրպատականի ուղղությամբ արշավանք է սկսում Խալիլ փաշան:
- 1622 թ.—Հիմնադրվում է Լիմ անապատի դպրոցը:
- 1625 թ.—Գեորգի Սահակաձեի ապստամբությունը Վրաստանում:
- 1625—1635 թթ.—Արարատյան երկրում իշխում է Թահմազկուլի խանը:
- 1627—1639 թթ.—Ադրեկ ու գործել է Զաքարիա Քանաքևոցին:
- 1629—1642 թթ.—Իրանում իշխում է Շահ Աբբաս I-ի թոռ Շահ Սաֆին:
- 1632 թ.—Շահ Սաֆին արշավում է վրաց Թեյմուրազ թագավորի դեմ:
- 1632 թ.—Թուրքական զորքերը ասպատակում, ավերում են Շիրակի դաշտը, Ասլարանի, Կարբու և Կոտայքի գավառները:
- 1635 թ.—Սուլթան Մուրադը 400 հազարանոց բանակով պաշարում է Երևանի բերդը և 7 օր անց գրավում:
- 1636 թ. մարտի 26—Կըզըլբաշները վերագրավում են Երևանի բերդը:
- 1637 թ.—Սկսում է գործել էջմիածնի բարձրագույն դպրոցը:
- 1637—1695 թթ.—Ադրեկ ու գործել է Երեմիա Զելեբի Քյոմուրճյանը:
- 1638 թ.—Հայկական տպարան է հիմնադրվում Նոր Զուղայում:
- 1630-ականից մինչև XVIII-ի վերջը գործում է Նոր Զուղայի դպրոցը:
- 1639 թ.—Կնքվում է հաշտության պայմանագիր, որով Հայաստանը երկրորդ անգամ բաժանվում է Իրանի և Թուրքիայի միջև:
- 1642—1666 թթ.—Իրանում իշխում է Շահ Աբբաս II-ը:
- 1648 թ.—Վարվար Ալի փաշայի ապստամբությունը:
- 1661—1722 թթ.—Ադրեկ ու գործել է Նաղաշ Հովնաթանը:
- 1664 թ.—Ավարտվում է Նոր Զուղայի Ամենատիրեկի վանքի կառուցումը:
- 1666 թ.—Բոգզան Սալթանով հայազգի նկարիչը հաստատվում է Մոսկվայում:
- 1666—1694 թթ.—Իրանում իշխում է Շահ Սուլեյմանը:
- 1667 թ.—Առևտրական պայմանագիր է կնքվում Ռուսաստանի և Սպահանի հայ առևտրական ընկերության միջև:
- 1668 թ.—Հայկական տպարան է հիմնադրվում Լիվոռնոյում:

- 1669 թ.—Ամստերդամում տպագրվում է Առաքել Դավրիժեցու «Պատմությունը»։
- 1673 թ.—Հայկական տպարան է հիմնադրվում Մարսելում։
- 1677 թ.—Հակոբ Զուղայեցու գլխավորությամբ էջմիածնում հրավիրվում է զաղտնի ժողով։
- 1680 թ.—4. Պոլսում մահանում է Հակոբ Զուղայեցին։
—Իսրայել Օրին մեկնում է Եվրոպա։
- 1683—1768 թթ.—Ապրել ու գործել է Պաղտասար Դպիրը։
- 1687 թ.—Մահացել է Ստեփանոս Լեհացին։
- 1695 թ.—Ամստերդամում տպագրվում է «Համատարած աշխարհացոյց» անունով մեծ քարտեզը և առաջին անգամ՝ Մ. Խորենացու «Հայոց պատմությունը»։
- 1700 թ.—Գեուլա հայաքաղաքի հիմնադրումը Սոմեշ գետի ափին։
- 1701 թ.—Իսրայել Օրին և Մինաս վարդապետ Տիգրանյանցը գալիս են Մոսկվա։
- 1703 թ.—Օրին դեսպանական պրիկազին է ներկայացնում իր ցուցումներով մշակված Հայաստանի քարտեզը։
- 1708 թ.—Իսրայել Օրին իբրև դեսպան ուղարկվում է Իրան։
- 1710—1780 թթ.—Ապրել ու գործել է Սիմեոն Նրեանցի կաթողիկոսը։
- 1711 թ.—Օրին վերադառնում է Ռուսաստան և հանկարծամահ է լինում Աստրախանում։
- 1712—1795 թթ.—Ապրել ու գործել է Սայաթ-Նովան։
- 1712 թ.—Լեզգիների առաջնորդ Հաջի Դավութը հարձակվում է Շամախու վրա։
- 1715—1717 թթ.—Իշխան Վոլինսկու դեսպանությունը Իրանում։
- 1717 թ.—Մխիթար Սեբաստացին ս. Ղազար կղզում հիմնում է միաբանություն և ապա՝ դպրոց։
- 1720 թ.—Լեզգիները Սուրխայի գլխավորությամբ ասպատակում և ավերում են Լոռին։
—Հարաբաղի և Ղափանի ինքնապաշտպանության կազմակերպումը ընդդեմ լեզգիների։
- 1721 թ.—Լեզգիները նորից հարձակվում են Շամախու վրա։
- 1722—1730 թթ.—Ազատագրական կռիվներ են ծավալվում Սյունիքում Դավիթ Բեկի և Մխիթար սպարապետի ղեկավարությամբ։
- 1722 թ.—Մուղանի վրայով լեզգիները մտնում են Դիլակի և Խաչնի տերիտորիաները։
- 1722 թ. սեպտեմբեր—Հայ-վրացական զինական ուժերը Գանձակի Զուլակ գյուղի մոտ միավորվում են և սպասում ռուսական զորքերի առաջխաղացմանը։
- 1722—1723 թթ.—Ռուսական զորքերը արշավում են Իրան և գրավում Կասպից ծովի առափնյա շրջանները։
- 1723 թ.—Մուհամադկուլի խանը (Կախեթիայի Կոստանդին Թագավորը), որը նշանակված էր Վախթանգ VI-ի փոխարեն, գրավում է Թիֆլիսը։
- 1723 թ. ամառ—Թուրքերը գրավում են Թիֆլիսը։
—Գանձակը հերոսաբար պաշտպանվում է թուրքական հարձակումից։
- 1724 թ.—Պետրոս I-ը հրովարտակ է հրապարակում հայ ժողովրդին իր հովանավորության տակ առնելու մասին։

- 1724 ք. մարտի 24—Գանձակում պայմանագիր է կնքվում հայ և ագրեբջանցի բնակչության միջև՝ ընդդեմ թուրքերի:
 հունիս—Թուրքական զորավար Արիֆ Ահմեդ փաշան Գյումրիի վրայով շարժվում է դեպի Երևան:
 հունիսի 7—Թուրքական զորքերը պաշարում են Երևանը և 3 ամիս անց. մեծ կորուստներ տալով, գրավում քաղաքը:
 օգոստոս—Թուրքերը գրավում են Նախիջևանն ու Օրդուբադը:
 —Ավան Յուզբաշու և Իվան Կարապետի գլխավորությամբ Ղարաբաղի սղնախներին 2000 ռազմիկներ անցնում են Ղափան:
 1725 ք.—Համառ կռիվներ են մղվում Գողթնում թուրքերի դեմ:
 1725 ք. գարուն—Թուրքական զորքերը մոտենում են Սիսիանի և Ղափանի բարձունքներին:
 —Թուրքական զորքերը Սարու Մուստաֆա փաշայի հրամանատարությամբ գրավում են Լոռու բերդը:
 փետրվար—Թուրքական 6000-անոց մի բանակ մտնում է վարանդա և գրեթե ամբողջովին ոչնչացվում:
 1726 ք. աշուն—Սարու Մուստաֆա փաշայի զորաբանակը գրոհում է Շուշի քաղաքի վրա և 8-օրյա մարտերից հետո գրավում:
 —Իրանի Համադան քաղաքում ծնվում է Հովսեփ էմինը:
 1727 ք.—Մահանում է Ղարաբաղի ազատագրական կռիվների եռանդուն կազմակերպիչ Եսայի կաթողիկոս Հասան-Ջալալյանը:
 —Տեղի է ունենում Հալիձորի հերոսական պաշտպանությունը, ուր թուրքական բանակը պարտություն է կրում:
 —Թահմազ շահը ճանաչում է Դավիթ-Բեկի իշխանությունը Ղափանի երկրում:
 1728 ք.—Մահանում է Դավիթ-Բեկը:
 —Սկսվում է թուրքական զորքերի ընդհանուր հարձակումը:
 1732 ք.—Նադիր-կուլի խանը գահընկեց է անում շահ Թահմազ II-ին և գրավում գահը:
 1735 ք.—Նադիր շահը պաշարում է Գանձակը, Լոռի-Փամբակի վրայով շարժվում դեպի Կարս:
 1735 ք. հուլիսի 8—Եղվարդի ճակատամարտում թուրքերը ջախջախիչ պարտություն են կրում:
 1737 ք.—Նադիր շահը արշավում է Աֆղանստան:
 1740-ական թթ.—Ղզարում կազմավորվում է հայկական գաղթօջախ:
 1742 ք.—Նադիրի հրամանով աշխարհագիր է անցկացվում Հայաստանում:
 1744—1746 թթ.—Նադիրը պատերազմում է Թուրքիայի դեմ:
 1746 ք.—Աստրախանում հիմնադրվում է հայկական դատարան:
 1747 ք.—Սպանվում է Նադիր շահը:
 1750-ական թթ.—Փանահ խանը հաստատվում է Շուշիում:
 —Աֆղան Ազադ խանը արշավում է Նախիջևան:
 1752 ք. հունիս—Ազադ խանը արշավում է Երևանի խանություն վրա:
 —Ագուլիսցիները համառ դիմադրություն են ցույց տալիս Ազադ խանին:
 հունիսի 28—Քանաքեռի մոտ սեղի է ունենում ճակատամարտ Հերակլ II-ի և Ազադ խանի զորքերի միջև:

- 1759 թ.—Հովսեփ Էմինը դալիս է Հայաստան՝ ազատագրական պայքարը կազմակերպելու նպատակով:
—Լեղզինների 8000 հոգիանոց բանակը արշավում է Անդրկովկաս:
- 1760 թ.—Լեղզինները ասպատակում են Արարատյան երկիրը:
—Վրաց Թեմուրազ Թագավորը օգնություն ստանալու ակնկալությամբ մեկնում է Ռուսաստան:
- 1760—1764 թթ.—Հնդկահայերը Գորգին խանի գլխավորությամբ (Գրիգոր Հարությունյան) հերոսական մասնակցություն են ունենում Բենգալիայի ազատագրական կռիվներին՝ ընդդեմ անգլիական գաղութարարներին:
- 1761—1762 թթ.—Էմինը վերադառնում է Լոնդոն, ապա գալիս Պետերբուրգ և Մոսկվա:
- 1762—1779 թթ.—Հերակլ II-ը շորս անգամ (1762, 1765, 1778 և 1779 թթ.) արշավանք է կազմակերպում Երևանի խանի դեմ և վերջինիս հպատակեցնում իրեն:
- 1763 թ.—Մոզզոկում կաղմավորվում է հայկական գաղթօջախ:
- 1763 թ. փետրվար—Էմինը Մոսկվայից ուղևորվում է Վրաստան՝ անդրկովկասյան ժողովուրդների ազատագրական պայքարը կազմակերպելու համար և մի տարի անց հեռանում է Վրաստանից:
- 1766 թ. օգոստոսի 1—Սիմեոն Երևանցի կաթողիկոսը կոնդակ է ուղարկում Եկատերինա II-ին՝ հայ ժողովրդին օգնելու խնդրանքով:
- 1768 թ. հուլիսի 30—Եկատերինա II-ի հրովարտակը էջմիածնի իրավունքների մասին:
- 1769 թ. հունիսի 8—Մովսես Սարաֆյանի կազմած Հայաստանի ազատագրման ծրագիրը ներկայացվում է Ռուսաստանի արտաքին գործերի կոլեգիային:
- 1770—ալվանք թթ.—Մադրասի հայրենասիրական խմբակը հրատարակում է «Նոր տետրակ որ կոչի յորգորակ»-ը:
- 1771 թ.—Սկսում է գործել էջմիածնի տպարանը, որը առաջինն էր Հայաստանում:
- 1773 թ.—Աստրախանում հիմնադրվում է ռուսահայոց եկեղեցական թեմը:
- 1780 թ. հունվարի 10—Հովհաննես Լազարյանը Հայաստանի ազատագրության մասին պեկուցագիր է ներկայացնում Ա. Սուվորովին:
—հունվար—Ա. Սուվորովը մեկնում է Աստրախան:
—հունվար—Հիմնադրվում է Նոր Նախիջևանի հայկական գաղթօջախը:
- 1781 թ. նոյեմբեր—Հաջտույթյան պայմանագիր է կնքվում Հերակլ II-ի և Երևանի խանի միջև:
—Պետերբուրգում հիմնադրվում է Գրիգոր Խալդարյանի տպարանը:
- 1783 թ.—Հ. Արղունյանը մշակում է Հայաստանի ազատագրության ծրագիրը:
—Մադրասում հրատարակվում է «Տետրակ որ կոչի նշաւակ» գիրքը:
—հուլիսի 24—Գեորգիևսկի ամրոցում պայմանագիր է կնքվում Ռուսաստանի և Վրաստանի միջև, որով վերջինս մտնում է Ռուսաստանի հովանավորության ներքո:
- 1785 թ. սեպտեմբերի 17—Սկսվում է Ավարայի Ումմա խանի արշավանքը դեպի Վրաստան և Հայաստան (Բորչալու, Ախթալա, Լոռի):
- 1788—1789 թթ.—Մադրասում հրատարակվում է «Որոգայթ փառացը»:
- 1795 թ.—Տեղի է ունենում Ազա-Մուհամադ շահի առաջին արշավանքը:

- օգոստոսի վերջին — Երևանի խանը բերդը հանձնում է Աղա-Մուհամադ շահին:
- սեպտեմբերի 12 — Աղա-Մուհամադը գրավում է Թիֆլիսը:
- դեկտեմբերի 13 — Ջավադ խանը Գանձակը հանձնում է ռուսներին:
- 1797 թ. — Տեղի է ունենում Աղա-Մուհամադի երկրորդ արշավանքը:
- փարուն — Աղա-Մուհամադը գրավում է Շուշին և սպանվում է Շուշու մերդում:
- 1797 թ. հոկտեմբերի 20 — Ղուկաս Կարնեցի կաթողիկոսը օգնության խնդրանքով նամակ է գրում Պավել I կայսրին:
- 1798 թ. փետրվարի 26 — Պավել I-ի հրովարտակը հայերի մասին:
- 1801 թ. — Վրաստանը և հյուսիս-արևելյան Հայաստանի որոշ շրջաններ անցնում են Ռուսական կայսրության հովանավորության ստակ: